


第
811
326

强乃静齋

國學萃編

第十二期
廣陵吳山署



國學萃編代派處

上海 神州日報館
南洋官書局

湖北 漢陽上鍋廠
廣裕和治坊

吉林 民政司警政
科錢質臣君

南京 坊口大街億太和布莊
虹橋甘溪沈公館

安徽 西門同康錢莊
莊孫次青君

蕪湖 大馬路松筠閣
磯窩街同泰莊

嘉興 東門南堰中市吳大成號
吳澄甫君

山東 濟南鐵路分局
余君

日本 大清公使館葉金綬君
中央大學堂曹民甫君

九江 官銀潯號
胡繼山君

鎮江 太保巷裕興號
成堂 榨油公司王君 魚巷文

吳城 吳城鎮商務分會
潘棟卿君

安慶 榮升街張剛所
公祠張伯英君

清江 警察三區
秦渭雲君

四川 成都府安定書局
胡石生君

河南 城省雙龍巷劉劍侯君
懷慶府採辦圖書局

香港 實報館潘蘭史君

南昌 普智派報處

蘇州 觀前九華堂 閻門
綠蔭堂 義源齋

廣東 華甯里總彙書畫處
濠畔街大清分銀行秦君

漢口 廣智書局

揚州 文富堂惜餘春
仙女廟田家古玩店

天津 府署東梁子亭君

北京 琉璃廠各南紙店
商務印書館 有正書局

第十二期

國學萃編

蘇寶盃署



著滄吟社第四十課題目

韞芬室主人值課

詩題 題桐城吳芝瑛女士書楞嚴經 不拘體韻

詩鐘題 石榴 新聞紙 分體詠

限六月十五日截卷寄北京香爐營頭條國學萃編社吳夢蘭君代收

著滄吟社加課題目

詩題 夏日萬牲園紀游 五律五首用杜工部重過何將軍山林韻

外省題 衣香鬢影 詞 不拘詩詞 詩作七律各一首詞衣香填紅情鬢影填綠意各一闕

因前題或

有外省 諸君未經游覽者故另立此題截止後分榜揭曉

徵聯 國學萃編 上聯首一字嵌國字末一字嵌學字下聯首一字嵌萃字末一字嵌編字上下二句共以四十字內為限

限六月二十日截止外省以六月底截止卷交北京香爐營頭條國學萃

編社童補蘿收

捐助社費 芳名 以收到先後為次凡允助而未交款者概不刊登定章助十元送閱三年助三十元以上永遠送閱

陶葆廉先生助洋拾元

舒展如先生助洋拾元

徵撰詩人小傳啓

仿王漁洋感舊集張南山詩人徵略之例凡屬詩家無不論存歿每人撰小傳數行并摘錄作者生平佳句來稿不限

字數惟筆墨必須雅馴倘有語病自當代爲刪削稿寄本社刊登與否原稿概不檢還

著涪吟社啓事

啟者本社自六月實行新訂社章每位派送社題詩詞鈔等

從速將姓名別號住址開列送交本社掛號勿延爲幸自掛號後詩

鐘卷但寫別號便得每人只可用一個別號切勿將彩品送呈不納社

緊要告白

本社所印書籍各件排印紙料所費不貲寒士生涯不堪虧耗所

徵求私家所刻書籍廣告

元機在琉璃廠文齋刻字店見仿宋刻楊太后魚

此外私家所刻書籍爲鄙人所未見者自必不少今特刊登廣告如諸君

好鄙人中翻勞外若購書由本社代爲發售每月結帳一次酌提二成

贈夫人子三人長敬敷次敬善均州同銜三敬益績文蹇遇納賞爲湖南候

補巡檢女子四均蕭夫人出蕭夫人性尤勤儉家可粗給昕宵紡績罷苦弗

輟事姑孝姑疾藥嘗而后進衣不解帶者數月凡諸義舉率勸公果行漢世

鸞睥於今再見以故後嗣椒蕃孫八人各樹令名良彥國學生花翎鹽運司

運同銜加四級爲三代恭請 封典至二品藩歲貢生卽選訓導曾孫十餘

人多秀穎能循乃祖家訓者

贊曰廬陵山水多奇氣磅礴繫鬱率產達人歐陽文忠尤罕舉也顧按隴崗

阡表知先有明德匪特地靈今入侯氏門履侯氏庭長而應務者肅雝紳佩

退讓明禮其幼者亦彬彬儒秀儻亦先德不佞猶有其流行者存與傳有之

君義臣行父慈子孝兄愛弟敬是謂六順侯公名實純粹得順道四矣况居

員坤深蔚之區其苗裔昌而熾昌而大也安有浹哉

趙節母傳

萬縣 徐際恒 久成

美學齋文鈔

卷二

十七

晨風閣叢書甲集

節母姓趙氏陳公應祿之匹而太學生學紀之母也陳公先世居湖南自公始占籍萬縣節母年十八歸公既歸十五年而公卽下世節母欲以身殉繼思陳氏遺孤猶幼一死不足塞責殉無益也因忍死須臾兢兢焉爲陳氏延一脈家故不甚豐然夙與人同賈尙自給陳公歿同賈者不能華其業遂貧通負日迫節母盡出其私蓄以償不足則書券請緩期自是操算計學逐什一利居近江岸會水暴漲廬漂沒什物蕩然無存家益窘時學紀甫十歲無所得食學紀泣節母亦泣乃傭爲人補綴往往冬夜嚴寒雞旣鳴節母猶手刀尺不輟詰旦則又縫綴如故日得四十錢歸哺兒以是得免於凍餒此咸豐二年事也後稍稍有積蓄又從戚家稱貸復設肆市上理舊業操奇計贏輒得利每秋冬之交買州親率子往來江漢間糴賤賣貴時出入驚濤駭浪桅折檣斷舉舟錯愕皆鼠伏節母獨以手掖子指點挖工神色不少變而卒無恙其素諳水性然也節母有夫弟早亡遺一女未及笄節母撫如己出女

亦不知爲非所出也爲擇快婿遣嫁亦豐里黨稱頌焉嗚呼以一嫠婦肩丈夫之責起家貨殖撫孤成立生平不作一毫兒女子態亦云難矣自古以巾幗而具鬚眉氣者其天性恒多涼薄而節母又能通識大體廣夫子友愛之心推恩於弱息是豈不可以風乎卒年八十生子二女一長子及女早殤惟次子存卽學紀也入國學孫三皆岐嶷

論曰余昔讀太史公貨殖傳巴蜀寡婦清其先得丹穴而擅其利數世家亦不貲清寡婦也能守其業用財自衛不見侵犯秦皇帝以爲貞婦而容之爲築女懷清臺竊嘗以爲吾國女界非不可以獨立特女學不興在在皆受制於男子久之亦遂養成其依賴男子之性質不幸男子中道乖殂其上者忍飢寒資志以歿下焉者則有不可思議者矣以觀於節母撫焚燹孤子能自樹立於艱難困苦中正史公所謂用財自衛不見侵犯者也吾蜀固多女傑哉何數千年間後先輝映克濟其美也

貞女單氏碑陰記

諸城 王在宣 鈍夫

光緒十有六年高密王主政聯璧以其同邑貞女事請部聞於 朝獲旌表如例貞女者高密候補知縣心傳女諸城貢生孫公廷棻長男福同之聘室也未成婚福同卒女年十五忽夢福同至告以已死女恍惚許以守志遂驚寤既而訃果至母秘之不使知晨興女易素服母怪問之女曰非孫氏有喪乎母知不可揜詰所自聞女以夢告且曰兒曩昔夢未有如是真者質明聞有孫氏者至固未審其以訃來也以其與夢符也而信之言已淚隨聲下卽辭母歸寢室母恐其自盡使婢輩環守之女大悲慟家人勸之皆不聽母泣諭曰兒志誠可嘉顧獨不爲若母念乎汝果死我亦死女乃起稍進飲食既而請於母曰兒爲孫氏婦舅姑在當往盡婦職母曰吾憐汝幼不忍離膝下姑少須居久之母視女起居如常時欲爲他姓議婚女聞之號泣誓必死母知不可奪遂絕口婚事自是奉母居以禮自閑不出閨闈者近四十年年已

五十有二矣一日聞姑病謂母曰豈有爲婦而終身不一事姑者決意清往母乃使人告孫氏孫氏備禮迎之高密令具儀仗送至郭門外戚黨衣冠而送者百餘人觀者如堵牆咸歎息稱道女廟見後以福同木主行合巹禮拜姑榻前姑泣女亦泣家人及親族在側者淚皆泫泫下自是晨夕侍姑病凡藥餌羹湯必身自經理妯娌欲分其勞氏曰余前此未獲事姑重以侍奉累吾姊今幸及姑在思少竭力以補之姊無防我事也月餘姑歿氏以夫弟永泰子維城爲子撫之居喪次備盡哀禮既葬遂獨居一室不復出或以家事咨之輒以非未亡人所知爲謝及永泰將爲建碑氏曰婦人守志分也豈因以爲名乎迨石工既興殷殷以碑陰勿書事實爲囑嗚呼貞女之行若此而可不傳乎雖然貞女之年未盡則其可書以傳者未既也姑取其事之已往者錄之如右

王節婦劉氏碑陰記

節婦劉氏諸城人王正中室本農家女十五歸正中克盡婦職翁姑輒自謂得賢婦鄉里無間言越四載夫歿無子女氏以翁姑在無事之者故不死孝養無異夫在時久之翁姑相繼歿遺二子幼弱不能自成立氏又獨立撫其兩叔叔既長視嫂如母焉氏家故貧夫歿後連丁大故家益窘朝夕恒不給氏持家躬勤操作夜紡績輒達旦數口幸不至凍餒當氏之初寡也戚里或憫其年少勸之他適氏以爲浼己誓終身不之見嗚呼邑乘之成所列入節婦者多矣然得諸富厚之家者十之七八餘則或以子女而存其名而於氏何有哉氏年七十餘以猶子爲子愛之如己出巡撫周採風郡縣獲其事奏予旌表以貧故不能自謀所以壽於世者鄉里重其行恐久而就湮爲之釀金立石因次其行事以鐫焉

授通奉大夫宗公神道碑銘

馬賡良

自古簪纓望族子若孫繩繩繼繼服勞 皇家以勳業政事文章彪炳焜耀

於一世者其先必有高世之行濟世之德不施不伐於隱微幽獨之處此其所蘊積者篤而厚故其發見也大而光今 皇帝御宇之十有一年二月六日 詔封通奉大夫上元宗封公卒於杭州之寓第今甯波府知府宗公源瀚之尊府也宗公既奔喪越月得免奪情將扶柩回籍營葬以狀赴於賡良賡良受宗公知深稔知其先德實有以駟馬其門閭而非偶然者故敢敘次以銘其神道爲世勸焉封公姓宗氏諱學梁字懋亭上元人也少涉經史性純孝既無叔伯兄弟不忍違其親故終身未嘗求仕宦咸豐癸丑江甯陷負贈公以逃年已五十矣行乎患難菽水之奉必盡歡踰年贈公病求醫藥於甯鄉垓里龜手繭足罔所覺延及二年贈公卒致毀如少壯殮殯無財而卒不儉於禮終喪三年未嘗見廢服既闋際 中興開運諸大衛連兵獲醜宗公則自結髮受封公命鞞刀袴褶從王事至是諸大衛知名交辟遂參帷幄贊密謀數徵兵檄餉大江南北封公乃始得就養藉祿入宏施濟焉既而宗

公累勳勞蒙 帝簡出典浙郡晉階錫寵有龔黃杜召之譽而其伯兄得仁同時效命策功分職州縣撫字催科兼報最於淮右而季弟得福授浙鹽曹屢司場榷益給牢稱理才甲一省於是封公三子並貴數往來就養於淮浙之間祿賜日益厚施濟亦日益由親以及疏蓋自同治紀元以來戚旅里黨之轉徙依歸者無不贍也官販失所旅櫬寄孥之貧不得首邱者無不贍也耳目所及創瘍疫癘之搶呼莫應者無不醫之藥之也道亡野死之不得殮殮者無不棺之槨之也常語人曰子輿氏以窮乏得我與宮室妻妾之奉並儻可見戰國風趨雖下士大夫周急賢不肖通情猶是後世因稀見德風可慨也故凡所施濟弢隱甚深雖子孫僕侍多不得詳盡惟甲子江甯初復城中枕骸露骼徧衢巷倡埋息穢遂以免疫良家子女沒奴婢者贖之殆千人此則請命有司集衆力而董成故至今在人心口至早歲居貧貸財赴義節齋夜食以補罅蓋不上一二僅舉故老曾能言其事者皆無在莫得其畧焉

不綴腕請削左牘爲子述焉昔呂仲佛與稽茂齊書云李叟入秦及關而歎梁生適越登岳長謠嘉遜之士猶懷戀恨况於不得已者哉僕逖誦前聞望古遙集足下幼秉淵懿長懷貞亮茂特達之操體蘭石之性席綺紈而襲華胄執丹漆以游上庠垂髫奏藝長老駭疑捉筆舒文游從移寫繁記雖不蔽身高心早收時譽倉舊德而章姓氏捧賜書而守禮恩七葉貂綏譜牒攸崇三株桂林聲稱丕耀果使達而因人顯副所望則排玉闥躋金閨容與粉闈參署紫省典政路之要徑據名山之積議足以凌顏建言依流平進國有璋寶甯不亨嘉迺臺館三徵而見阻都堂二試而被放賓王新豐之歎史遷周南之滯俛仰善懷安措無所魏其座客詆熈豈甘茂陵貲郎緝算罕積初易新制廣置導師措成均之夙契求創獲之裔學髡頭異服挾估畢以豁蒙畫革旁行雜蚓蛇而授讀撐犁孤塗詮定釋名貌尋瀏離抽擘秘義離經辨志亦視三年弋聲梯榮足資一映學成而退時駕方殷湛盧出冶雖鬱神鋒妙

玉辭璞終瑩奇澤摧蹙束縛仕宦所苦棄捐不可豈復脫然粵中炎燠長路遐鄉明珠寶玉矢意不貪瘴海妖雲望塵自却太夫人深厭遠征但希近養南陔之奉原以承意爲共北徼之游又無令甲可按若或浮湛累年闕誤常格馮唐皓首猶託爲郎溫卿妙才終淹一尉應官雖適遷地難良更銓曹甄吏之經負塞主述才之雅揆諸事實抑有彌差足下當審良窳之宜權輕重之計公私互善展拓方宏否則迷罔靡攸旁皇莫決顧彼失此非計之至也足下龍性難馴玉情過潔介介如石擊磬不雕茗茗若松勁挺有致宅生結意率直以行布葉飛藻表襮多異實由氣岸疏凝情塗狷閎獨師懷抱必見嫉於俗人孤秀神顛每遭迴於曠代所當勗韜采績退就樸純隱閔求全突梯沿俗庶幾專城可假要路能支無災而致公卿多稱而垂懿歟侈恣充盈豈不善歟然而震雷不能細其音以颺天地之和山川不能削其峻以削陟者之欲至人御世宰物無不導之以素衷激之以義概履適趾固惡鄙猥

刻方就園亦懼諸靡質之足下當不以爲相逕庭耶夫才生於世世實須才和氏之璧不獨曜於郢握夜光之選不專玩於隨掌天下之寶當與天下共之但分析之初不能不恨恨耳此晉劉越石所以拳拳於盧諶者敬爲足下演譯之足下其聽然而走抑嗒然若喪耶朋友之好逾於骨肉矧以文字之契妙合自然尊酒之親忽爾逾歲軫今追昔終有餘欣每誦惠詩反覆執玩如擷陳芳之要典探輸廖之秘文邇然而悲輾然而笑意致標格亮更同之當無煩僕之贅論已僕本譚陋兼乏明智胥疏江湖寢饋文史身不絀王臣之籍名不廁通人之班偵到國門棲遲近輔苗穉髮櫛旣鮮吏才琴笛畫筌惟譚末技韓陵石子昇共語卿等百輩處仲能容僧佑公宴賦詩而受微嘲伯之治牒依樣而作大諾吹竽旣濫畫餅尤慙叨府主之心知遂賓從而談戲以是靈沒退謝塵羈棄枝官而自嬉和天倪而可憲拘檢畢破放手爲文湛寂誰慰攤書送日旣不娛情冲神自遠於俗又非展氣恣意惟樂是耽

翫而習之則行已闕立德之容報門有慕勢之客食無精膳之殺室乏婢娟之侍徒泄泄以高世爲奇縱體爲逸執此不回吁其詫已足下近在京邸行止未訣若過津上一罄話言倒屣可迎懸榻將俟盍簪之誓締烟霞而永貞剪燭之語經風霜而不剝足下其有意乎攜手嘉招俟子清暇塵縲或重行李少稽僕非執拗定期諒省尺一之寄當宜頻數貌不常接心實相期各敬爾止敦履樸永浮剽誕易君子弗欽臨書恨然知復奚白

社公張遠龍先生傳

朱實發

公姓張諱亮字明通號遠龍潁川人也姓在天上分箕尾之光地居中州得陰陽之正賦才淵雅稟性堅剛當弱冠年華補博士弟子崔接到學舉座禁聲朱雲談經五鹿折角方其廬中抱膝廣武揚眉固已盧牟六合揮綽三才乘帝後之七車豎蠻溪之一柱脫吾白籍慰爾蒼生而復澤絳灌以文傲陸隨以武七尺鬚眉洵無愧色然而志者士之所自立命者天之所獨操金非

躍冶乃煉之而不光玉本輝山忽焚焉而俱碎一切之紅羊未換百年之黃土先埋吁其慘已蓋公腔餘熱血骨帶寒霜嫉庸惡爲仇愛朋友如命會故人以無罪繫獄公憤其冤交通獄卒脫而縱之出賈遠於土窖月影方昏藏杜伏於蘆中春光敢洩翌日令拷卒得其實乃逮公繫於獄城門未火地魚先殃桃樹不僵李根遽代公入獄自知不免因夜殺卒旋亦自殺時則茫茫黑獄湛湛青鋒拚大好之頭顱雪不平之之涕淚長宏血洒逆柱而升伍相魂歸乘潮直上意氣所至豈不壯哉方公之在獄也身雖被逮口未輸情謂此囚終無死法殺之三仍有之三彼有司毋乃殃民出乎爾亦反乎爾公歿令以不得實供遂亦議罪申生雖死請帝鳴冤睢陽既終爲鬼殺賊公之謂矣顧或者謂公法網自投垂堂失戒未免粗同向樹愚類樊期勇不上夫明堂魂空歸於藁席不知鮑宣下獄太學舉幡僧靜被幽故人破械北海有孫賓而友藏複壁門人出李燮而傭寄酒家男兒以血性相知丈夫必死生可

託又安能寒蟬瑟縮首鼠徘徊效齷齪者之所爲乎或者謂公既入齷齪當謀免脫入則雖行棘路出則可鑿凶門而况環可重圍盆無終覆亦當貞八月之凶待三年之放乃何以別無方略絕少躊躇馬骨不憐鴻毛浪擲輕生之謂所不免矣不知島人五百蟻蝨其生舍客三千雞狗可恥李廣不甘對簿荆柯何畏提囊古之人處危急之時決存亡之見龍泉斯在虎穴安逃亦惟有撒手紅塵回頭大夢而已不然十步九計公何難預作經營五角六張公何難巧爲趨避也哉公死相傳冥司嘉公義直授爲六合縣境土神天真與直登方千已故之科事果足徵證陸羽成神之位壇安泰厲福及閭閻秋墳聽風雨之詩春社享雞豚之酒居然生樂不覺死悲矣公願結習未除虛靈不昧時降乩於予甥沈心禾五明軒中與諸同人分韻賦詩公生時著有幽蘭空谷集予未之見今卽乩上所得諸詩觀之靡不胸吞雲夢手摘星辰合漢魏齊梁爲一治配王楊盧賂爲五君胎息既深神采自王長鯨掣海飛

鳴一起凡音老檜撐天枝幹常留古色信通神力并見仙才而且議論精嚴品題確鑿鐘聲任扣鐸舌隨宣辨灑灑於一勺之中賞官徵於五絃而外恍如面語豈靈談鬼笑之離奇大關心精非鼠檄雞碑之游戲語云鬼神之爲德其盛矣乎蓋於是而信其然也予也九子鈴邊似聞妙響三生石上若有前因聞詣花龕肅陪香案而公許以知音稱爲解事取生平事迹於乩上達之命予作傳予不敢辭因盥手秉筆臚序如右文章有幸得描摹俠骨之香詩酒留緣好領略蘭心之味所惜文非歐表未能邀殊暈於龍宮且喜事類郭碑或不愧墨痕於菟管

授奉政大夫梁公湘颯傳

梁慶陶

公諱家鉉字湘颯長沙人蓋其先隱君子也采菽中原邱循而逮善振冠南嶽雖節以傳芳必有達人明其世德公稟奇魁之行含貞幹之靈岐嶷而絕人聰明而當物生則楚材遨遊立義學而鄭志潤色垂仁繁霜之生我方思

匪墓之行哀已惕解民何任思忠孝以修名喪禮必尊爰居憂而廣志成豐
 初元東南寇起公魯冠徵象乃覆長謠楚制從軍自成逸步捍衛之思以奮
 扶搖之勢其崇曾文正公初以鄉兵事天下公喉衿形勝上策隨戎口畫中
 興之年坐談參軍之位繼隨胡文忠公略武昌江漢既清功授九品職仕鄂
 既兩任岳口縣丞自隱大道不污小官術於公言執其古聽陳留則小吏可
 語若耶之老父時來頌味陶陶可以觀政矣同治四年楊勇懲公有秦隴之
 師表公參贊度遠都尉方重威明荊州從事初逢宣武張目壓箕之上振奇
 飛輓之交陸平原之軀智無方郭祭酒之嘉勳愈勃遂擢知縣四攝鄂中縣
 事一署甯州甯州雍涼之黑子也下車伊始寇自西來燕飛且擊直欲吹蒙
 鼠子何張不聞當道公則張皇民氣寥亮孤風誓命嬰城跳身守圍三科以
 募義九地以藏機公孫述難以何劬越石含忠而自嘯管束帶而立獵纓而
 歎曰官無善政恥也守無完城罪也見危授命其得所矣是則歸魂於百雉

眉嶺樓詩話卷三

昭文孫 雄原名師鄭輯

李紫璫南匯水災書事五古

李紫璫大令超吳中循吏也歷宰元和吳縣無錫南匯上海諸劇邑均有
 善政慈惠以愛民嚴切以除暴從政之暇不廢詠歌著有石船居古今體詩
 賡稿二十卷即以元和吳縣諸邑名名其集余諷讀一過多藹然仁者之言
 南匯集中水災後書事五古四首視民如傷之意尤溢於言表為錄於左
 秋仲魄哉生風雨亦何惡龍吟破長空驚動震廣莫午夜天艸如髣髴哭聲
 作慘慄不能寐寤慮數驚愕惟時東海上蛟龍方肆虐黑浪翻空來一掃萬
 家落頓令膏沃產悉被陽侯掠哀哀沙畔氓不論強與弱命盡夢未醒水急
 路難索上樹忽覆巢瓦驚解籜盤渦一漩起殘喘又飄泊呼號氣早暗力
 敢竄鼉搏圩塘逕百里齧潰寫剗剗保障既不存吾民復焉託
 圩西哭且逃揭厲不遑顧圩東哭不聞欲逃亦無路人言崇沙民結茅瀕海

住地思與水爭比戶皆親故呼嘯帶刀耘曠比獸易怒一宵葬魚腹骨肉難
處遇懸知入溟渤骸骼正無數可憐孑旁室椽梅皆傾仆死者既狼藉生者
方暴露危堤一綫間老稚爭蟻附爺娘猶竄呼子女偶驚晤鬼影曉憶憶恍
惚見沿沂胡龍沒霧中訖未臨津渡魂魄隱餘悲冤苦向誰訴

我乘舴艋行不待伍伯呼出郭未半里積潦已斷途極尾蜻蛉舟白粲兼青
蚨計經一日夜輾轉飢腸枯果腹急何擇詎嫌糲食粗連船載寒具婦稚休
挪揄最慘水上屍偃仰無差淪小或未三尺黃口抑何幸睹之淚橫溢哽咽
潛怨吁前宵敦匠發責成在須臾桐板三寸薄猶暴筋膚爲德感同志木
美亦樂輸掩骼畢五日爲粥當交衢逝者長已矣生者責在吾

吾衰恨涼薄貽害及元元敢諉天災定自責良弗諉遺黎環我前爲爾出矢
言死必急歛葬生當效手援千百黃篋篷縛屋聊自存不使枵若腹幸免衣
無禪往來徧水國浩浩黃流渾西風易消落好護禾棉根補牢未可後畚畚

期千村健竹定程限勿憚工役煩大府飢溺懷已籲形廷恩帑金不日下

望見回春灑敢使太平民失所悲煩冤歸來展家書又慟眠江魂

吾屬七月十九江水

盛漲田廬人畜亦漂沒無算里中書來始及知也

費西齋和汪侍郎用山舟詩韻七律四首

費西齋前輩

念慈

學富才高爲名翰林壬辰癸巳間余客京師與前輩晨夕

過從甲午秋間余遭先君子大故乙未丙申均在里門讀禮前輩亦乞養還
吳下蹤跡尤密卽偶數月不見而函札往來商榷文史不絕於道也近歲余
客津門久未旋南丙午聞前輩以微疾謝世曾爲詩哭之去冬哲嗣梓怡觀
察郵寄秋霽樓詩存一册展誦之餘感深宿草前輩在吳中與汪郎亭侍郎
師唱和最多今汪師亦已山頽木壞矣秋霽樓集中有郎亭師以次韻山舟
先生手書詩扇見示謹用原韻奉和四首云謫居猶得住吳閩聖德如天
日月光避俗許尋猿鶴侶忘機喜狎鷺鷗行短檠低照觚稜夢險韻橫馳翰

墨場公與中山丈倡酬墨韻至五十餘首未已萬笏凌雲好山色歲寒松柏自孤芳 中酒無慚

聖者徒盟言息壤未模糊藏書萬卷逾槎客康熙雍正間浙西多藏書吳槎客拜經樓所收尤富槎客錢塘人與

公同種橘千頭富木奴銜石未填滄海恨揮戈誰挽夕陽徂北窗高臥南榮

曝桐帽棕鞋號老夫 得屯通景復丁年會記頻羅盛事偏梁詩為重宴鹿鳴紀恩之作

漢代自能容汲黯名山從此屬焦先江湖滿地漁翁貴桃李成蹊 火傳我

愧罪言曾十上甲午乙未間凡十餘上以與詔許諸臣言事先後疏亦將乞鄂擬僧虔歲

乞鄂帖有王僧虔座座上常多北海賓蕭閑塵尾謝浮榮新編待寫歸田錄故

事會聞折檻旌早歲題名借季重扇為憲齋丈所贈丈與公同甲子鄉舉今時結轡有王生張布

衣永亭先生年七十餘隱於藥肆熟精波長之書與公交最久今之韓伯休鈕匪石也關聲無字傳疑久應許侯芭箸

議平抽作金文徵存舉例通釋三種方錄稿就公正定

費西齋侍翁相國劍門登高五古

西齋前輩集中又有重九侍松禪師劍門登高三十二韻云重陽苦風雨難

得今歲晴凌晨出北郭天高日初晶小子撰杖履山靜復與輕歎扉過趙叟

丈公一笑掀髯迎圖書散小樓花竹當前檻古墨爛在几照我雙瞳明是日

器碑福麻拓書蘇文忠小楷金剛經三宋拓本酌礪煮鳳團飽飯烹魚羹西風昨夜來策策秋葉

鳴霜氣滿巖壑紫翠紛縱橫頗聞田家言秀野搖香杭愛此雲月白念彼魴

尾頰扶筇入深谷梵闕輝丹甍苔壁畫躡輪松梢竄鼯鼯采藥僧未歸隔屋

聞棋聲老人健腰脚縱步葉家坪鬱鬱青松阡毅魄埋忠貞調聖忠宣公墓重脩下

壘墓遐想仲路纓甫拜重驢仰對此羞嫫媠攝衣賈餘勇峰勢羅崢嶸劍門

鬱盤折直上捫長庚石面小斧劈崖腹孤籐撐憑高一縱眺極目凌滄瀛桑

田拾螺蚌惡浪愁鮫鯨下有藤蕪泉泉水冽且清可憐紅豆花不見啼春鶯

棲塵與過驪珍此物世名嚴家有祠宇傍巖結柴荆菊鈴隱槿籬瓜蔓垂松

棚芙蓉濯娟娟臨水生遠情小憩返舊居茅舍炊烟生疎鐘響林薄新月銜

高城裁賤博莞爾野性慙麀麀

姚補籬師准張故宮歌

吾鄉姚補籬明經師博極羣書著述甚富余於舞勺之年嘗執經受業詢訓
 詰攷據之學師指授殷拳獲益匪淺師名編均著有經說數卷未付梓人詩文不自存稿而所
 作均有根柢歿後由殷大令芝階樹森輯刊補籬遺稿八卷稿中詩僅二卷
 餘皆雜文詩以七古為勝如准張故宮歌云梧桐園裏秋光老茂苑長洲秋
 色好繁華往事興亡愁彈指光陰迅如掃憶昔當年正朝蠟毛羣結四方豪
 宮中方事天魔舞泗上俄驚水怪號竈丁烟戶三千衆持挺揭竿成一閩白
 鹽場裏刀縱橫洪澤湖遙帆落送淮張本是英雄人部伍宵小真絕倫鄱陽
 遙結陳友諒臨海還通方國三江南六郡豪華地按籍披圖矜得意蘇臺吳
 沼舊荒涼別館離宮新位置珠為榜兮金為墉左平右城階重重崇巖雙闕
 毛狎鳳詠蕩九門爪舞龍居然百寶人聚殿 啟修文思偃武玉山詞客顧
 仲瑛句曲詩人張伯雨無何獵獵西風來黃葉乾真可哀沿江空置藏軍

洞望闕難登朝漢臺外援已斷丹陽臂弱弟傷心殲九四矢亡茲絕歷三年
 身死城摧無一計劍佩琤琮鍊甲秋嵐岡炎火玉皆愁挂弓鳩鵲觀檐角繫
 馬鳳凰樓柱頭低徊往事頻搔髮與廢無恒俄一瞬過客車尋行殿基老農
 瓦拾阿房燼河山險阻本無憑大業終歸皇覺僧子孫割據蛙蹤井劉儼奢
 華龍戲燈電光石火成荒蹟釧砌階前無寸尺躑躅羊歸夕照黃鸝翻鳥赴
 遙天碧訪友前來策馬過故宮何處屋嵯峨里人喜說前朝事人力難爭天
 命何

姚師拂水山莊懷古

拂水山莊故址在吾邑西城姚補籬師有懷古一首為陳鈞堂大令康祺所
 激賞茲錄於後 春風嫋嫋湖煙綠秋色爛斑山徑曲晴雲蕩空凍雨霏
 風勒奔泉碎珠玉阿儂生小虞山陽日日游山不厭忙有時冷眼興亡閱聊
 寫閒情筆墨香錦峯庵畔巖祠側未識山莊問消息森森喬木半摧殘歛歛

落花無氣力憶昔宗伯文中雄海內英俊趨下風引領四顧衆山俯登高一
 呼幽壑通流連詩酒開池館宏獎風流裙屐滿榆林朔吹不知寒花市春風
 惟覺暖偶停絃管靜門庭一騎長安脆馬鈴狀元報捷歸韓敬浪子馳名得
 燕青騰踏天衢誇敏速承恩雨露傷歸沐銀臺官甫白下辭金甌相已烏程
 卜頓濃歸思返琴川非復當時美少年猶栽紅豆想思地意脫滄桑離恨天
 萬事不如杯在手莫愁湖上春燈酒君忘上苑舊時花臣愛章臺新種柳我
 聞如是入歡場玉軸牙籤鏡匣傍橫波恩重龔芝麓別墅情牽冒辟疆惻惻
 嗟嗟風鶴警慚顏紅粉殷勤請何事干卿皺水催安須憐我荒涼冷泰山鴻
 羽事同科一著輪贏喚奈何縱使兩朝推領袖其如千載悔蹉跎迄今搔首
 尋遺跡莽蒼寒雲殘照碧列傳難增李次青惜公官用查初白剩有虛名父
 老傳絳雲樓亦絳雪烟南來有鶴歸華表共指山顛表墓阡

李孝筮辛卯歲暮雜感詩

附來函商榷四朝詩史定名
和趙芝蕙方仰山諸詩

積十載不見僕頭顛斑然不知公作何狀鬚髯當如戟邪三十爲郡年少官
 尊不足爲公賀乃政得子鳴作部民龐君稅駕於任棠魏君憑軾於干木千
 古風流具在二美子鳴之兄珊爲邑諸生尤宏雅所謂有道君子也河東賦
 成借公口噓之五十老孝廉便得送上天矣奏計入都過吳門欲與平原君
 爲十日飲東方千騎肯爲王生一停否童君感大夫恩如九鼎僕亦歎韓先
 生千載人也

龐君 漢龐參爲漢陽守郡人任棠有奇節參候之棠不與言以薤一本

水一盂置屏前抱兒當戶下參思其旨曰水欲吾清拔大本薤欲吾擊

張宗抱兒當戶欲吾當門恤孤也

魏君 文侯每過段干木之廬必軾

河東賦成 杜贈田舍人詩曰揚雄更有河東賦惟欲吹噓送上天

與馮觀察化之

前旌入越時凡三造請則以張邵武故也既不獲面乃借開之爲重開之示使君書九鼎邵武矣此君負氣寡合不值中郎者爨下耳使君幸卒此德明故多奇士匪直竹箭乎山人沈明臣清通高亮典略塞胸明月夜光不脛而走檢校刑部尙書屠本峻孝廉有道桃李不言郝隆邊韶腹書經笥秀才楊承錕蒼虬赤駟天矯驂驪一鱗一毛盡含雲霧邵武弟邦嗣敏達韶俊國士門風蓬生麻中遂與麻等包生轅春健犢破轅志在千里未見其止要非凡流此數君者東南之巨美滄海之奇琛使君羅而致之必能俾益休明仰贊鴻烈又僕受知故相國文榮公次心鏤骨亦使君所見明知今其夫人僅同恤緯遺孤大輅任子起家可稱式穀儻微君之靈稍賜庇覆不滅覆僕也使君能諒僕之無他不則請從魯連先生東海矣

竹箭 東南之美非直會稽之竹箭也

健犢 石季龍幼挾彈彈人其父怒之母曰健犢須走車破轅良馬須逸

軼泛駕然後能負重致遠言不癡不慧者非異器也

恤緯 緯橫絲也寡婦織帛常苦緯少左傳子太叔曰釐不恤其緯而憂

宗社之殞爲將及焉

魯連東海 魏使人說趙帝秦魯連往見曰秦棄禮義上首功之國也彼

卽肆然爲帝則連將蹈東海而死耳

與陳侍御

客歲有秣陵之役懷刺及門而繡斧出按譙不能奉顏色居無何聞公有西河之戚欲削牘奉慰起居竊自念陳先生達如漆園司馬豈其不能一彭殤齊修短而徒取摧殞爲乃不敢妄爲喋喋聞者晤盛君原濟知公趨召之者再三則公果善病乎鍾情玉樹若此哉盛君通儻特達醫名絕代試進一刀圭霍然無恙公能頹狗王生言抑情自愛僕雖老謬請得借此薄號而爲七發矣

玉樹 謝安器元等嘗曰子弟何預人事而欲其佳元對曰正如芝蘭玉樹欲使生於庭階耳

刀圭 藥劑也

頰 音俯低頭也

七發 枚乘作七發諷吳太子泯然汗出霍然病已

與鄧孺孝

僕不慧而受操觚之役是責盲者以指南也且有足下之命在其猶觀大巫然故次且久之始屬草甚不當足下旨足下其鄙棄之使不露其媠母也者幸甚不然僕則猶可足下之辱此亭也將無爲羊裘公絕倒忽然炎暑箕踞松間且不堪聞督學公課諸生公車文流汁成漿宜足下之釣雪哉

媠母 帝妃賢而貌甚醜

辱此亭云云 以亭名釣雪故云

羊裘公 謂嚴光也

與余少宰丙仲

今歲長君之西不及奏記借其口代薄號不知鯉庭燕寢間一挂王生齒頰乎國家方開東觀羣召羣儒校讐會典以余先生董其役甚盛甚盛自頃得之潘方伯所方伯之子士遠歲黹有鳳毛能當方伯公心公甚愛之欲徵門下之靈爲其兒乞河潤獲以雌黃廁諸生之後此在明公一瞞耳憶不肖當嘉靖間嘗從事史館日竊大官殮錢蠹魚乎羣籍甚無當潘公子奈何垂涎於此無乃以爲不龜手之藥乎門下幸不拂其倦倦抑門下與方伯公同年生又良厚卽屋上烏猶將及之而况其駒千里邪以老王生居闈何故誠知明公非忘布衣者耳

歲黹 鮮好貌

鳳毛 宋謝鳳子超宗有文詞爲新安王母作誄奏之帝賞之謂鳳曰此

兒殊有鳳毛

不龜手 見莊子言手之不皴也

屋上烏 武王克商謂太公曰奈商之衆何對曰愛其人者兼其屋上之

烏憎其人者盡其儲胥

與朱參戎浚之

戲下建牙行萬里迺冒老幸臨王生生者悠不能樹螿弧爲明將軍先驅徒
令唾壺缺耳女兒痘一夕魁然若三月櫻桃醫師云幸甚無恙然不肯半晌
離阿翁僕何得走問水軍艦中將軍得無笑僕兒女子態邪許再適當在何
日請出一斛蠶生令將軍耳熱無然不相聞而去若銜枚然使僕不能歌大
樹壯行色也

銜枚 軍禮大司馬銜枚而進

答大司馬張公

俠客陳孟公大兒孔文舉何曾一食羞煞人不足筵前犒僕圍東南海錯何
處尋拚擲十盤瓜子金帳中羊羔酒更美醉眼還將大蟲比几上肉一囊粟
壺中漿一家糧君心已化一枝燭臣口還聞七日香

卿難記

雲間陸士龍日下荀鳴鶴招之使來樂復樂羊胃騎都尉羊頭關內侯麾之
不去愁更愁卿有劉公書賢於十從事卿是仲謀兒果與豚犬異親卿愛卿
談何易不然與卿途人耳卿曹再拜胡爲乎卿難記

衆狙怒

見弓而號拔劍而舞新沐而冠升木而附一狙腸肥腦滿去不顧爾持七日
糧我治千乘賦狼餐虎噬眞英雄是謂我不成丈夫而不敢犯衆怒衆莫怒
猿臂將軍方醉歸不知朝兮不知暮

新鬼大

詩

卷三

二十一

長風閣書集

不立于堂不嘯于梁莫口柳車來混我冠裳青燐之光大若此彼其之子爲
鬼使鬼亦挪揄笑不止犒五百禽索十萬金不懷其音而狡其心我欲使鍾
馗相尺郭將三百三千醢作醬

汪兆鏞

字伯序廣東番禺人光緒己丑舉人著有微尚齋詩

京師伏魔寺與豐城毛實君慶蕃華陽喬茂護樹耕胡碩公延夜話

倒身處人海長嘯對春殘論治無三策憂時感萬端夜堂欹樹暗風幔逼燈
寒衆籟此俱歇蕭森足靜觀

雜詠

相如入齊魯受經啓蜀學晚篋凡將篇遺說采南閣甯止妙詞賦經師殆無
作乘傳通冉駹且能擴遠略如何容其都內行迺齷齪一曲琴心挑千金長
門作士縱悲不遇狗監豈足託惜哉絕代才未肯甘寂寞

世衰薄經術罔識士何事溝猶多迂生復昧天下計蚩鄙詭癡符細甚骨董

肆儒冠誠可涉異學益橫恣願得治國聞砭頑以明恥葆粹先養德達用廣
開智百年樹風教四裔孰波沸慎毋效蠹魚徒詫飽仙宇

內史號書聖渭南故詩人平生忠讜懷憂國鬱未申建業與臨安半壁俱烽
塵抗議留史冊肝膽紛輪困拚於文字名疇能窺其真從來豪傑士懷抱多
苦辛儻過山陰道臨風薦谿蘋

宣窯餅歌

余於順德市上購得宣窯餅黃袖畫菊白華碧葉

族人自昔專所司工善其事無纖疵大邑輕雪燒白盃定州紅玉雕花瓷柴
汝官哥世罕觀官製已是侔鼎彝近得膽餅高六寸綵畫聖厚如凝脂肌理
細膩不茅蔑入手的饒黃琉璃蟬盆鍍金儻足擬雞缸鬪翠相肩差緹襲位
置向文几幽窗相對生遐思我朝窯制亦精絕極盛康熙乾隆時晚近工
師漸失職髻墜薛暴忘前規坐今日東瓦博士耗我泉府成漏卮誰能搏埴
闡祕法離青甜白相摹追事物紺原宣德窯以棕眼甜白爲常以蘇麻離青爲飾陶冶雖微寓深義摩

攀懷古神為移莫訝慈仁寺集盛舊物金風亭長長嗟咨

朱三棣垞歿數月矣春夜聽章梅軒丈彈琴追感賦詩並寄陶二希源雅琴

久不作遺聲墮微茫蕭然山人解鐘呂自製徵曲音琅琅其學沈酣羅縑細

吐棄糟粕涵精芒人不我知韜其藏翫世自憙任否臧生平餘藝涉琴趣孤

指亦造鄒陽姜惟余不識宮與商風聞雅論神飛揚一朝山河頓已邈西州

扣策增悽傷竭來羈旅瀧水旁章侯訪我攜琴囊款款海內少同調輟絃每

惜鍾期亡強之試為一操縵泠泠幽韻深且長松風吹泉出天籟老鶴警露

鳴清吭此聲髣髴鄂祠下餘響在耳猶洋洋今宵吟猱出子手不啻鄰笛悲

山陽人生搏沙木難測俛仰疇昔空彷徨吁嗟乎古操已無蔡中郎樂原誰

識趙子昂世間大都箏琶耳淫哇紛逖淪俳倡期君葆茲歲寒約耿耿古意

毋相忘曲終涼颺動天末寫此更訊陶柴桑

棣垞自號蕭然山人著鄂公祠
琴說二卷以古琴無徵調因自
製一曲名代徵
招以補其闕

傳聞四首

畿甸忽烽火傳聞儻未真如何五里霧飛動六街塵蠻邸猶無恙青蒲大有

人殷憂將啓聖誤國自辱臣

矯詔藩房出津沽萬騎紛勤王徒袞袞破敵且云云戰壘秋蕪沒媿祠夕照

曠如聞彘虜語詫惜聶將軍

莽莽東華路天乎竟若何人間遺玉枕陌上泣銅駝慷慨成仁急

興元哀痛詔傳誦涕洟瀾重見漢司隸應除唐宦官

憤易上策治安難愧我百無用幸民聊自安

幸伯兄自汴中歸許貽山西鵝黃酒未至詩以促之用山谷寄元明觴字韻

吹臺東風澹黃柳未預勝游同泛觴買春遠自晉祠水銷夏休負滄谿涼平

生中汜此清聖古昔飲醕當雁行悠悠滿目渾不耐一甌早為漣肝腸

離憂

大雅久不作離憂今若何罪言空激宕功議自嵯峨風雨歡棕少江湖豪士多汚塵那堪障薜荔想山阿

雨後檢亡友陶二邵學詩札感賦

山館相從筆硯親廿年蓬轉各征塵文章遷變憂時局風雨淒涼失故人半世嘔心空著述千秋酬汝亦悲辛輩流頓盡無窮感翦燭西窗黯愴神

汪兆銓

字莘伯廣東番禺人光緒乙酉舉人官海陽縣教諭著有遠瑕室詩

秋懷

三日積雨歇一夜西風生空庭走黃葉滿地皆秋聲秋聲入耳不可聽直入愁腸與愁併千迴百結不自知白髮明朝上明鏡白髮不可染明鏡不可磨我非謝東山中年哀樂何其多

羣山蒼蒼東入海海上飈輪高轟鬼九州之外今已窮安期仙人竟何在不在

應蓬菜山亦學桑田改百年難保望千載烏飛兔馳不相待不如歸把窗前杯籬邊菊花已堪采

明燈一點啼促織小兒挾書坐燈側琅琅頌聲差可聽老親開顏覓梨栗我時相對亦欣欣人生此景不易得衡門棲遲且家食慎弗苦慎高官職

蔣玉棧

字溥卿江蘇江陰人著有苦壺詩鈔

春感

驚塵隧幽囑春味掩酸懷餒臘一月殘穠柳長於釵天地寶一怒噫氣掀荒麥頹唐慘不蘇下有沈憂埋新勝詫虛獲前賞嗟暫乖願獨蓬棘心一肆土木骸

冬夜謠

篆痕瘦縮香不溫冰匱冷閣青娥魂銅虬凍折夜光澀枯淚滴斷聲聞根夢覺寒機驚雁語竊親抽絲續幽緒停辛貯苦那忍眠留取君歸作春紵

送勒元俠歸豫章

秋氣晚蕭騷霜晴征雁高西風吹落葉相送到江皋別恨牽柔櫓新寒敵緼袍平生感風義明發首重搔

寶應道中

奔流一束障湖門暮色荒寒浦氣昏墮枕殘鐘煙外寺打篷孱葉雨中村天高鴻雁聲聞斷地坼蛟鼉窟宅尊明日露筋祠下過擬酤清醕薦蘭蓀

歲暮感懷

剝復幾深不可尋元冥默默闕窮陰張拳老鶴作人欬擁鼻寒狸有佛心妖彗動搖光閃睽冰天凌厲氣蕭森愁邊白日堂堂去負手聊爲子子吟

詩羣卷三畢

西地趨關入關辭避不往

內兵渡渭徒迸奔

陝撫劉蓉所部屢敗

將軍鐘鼓鳴灞上終南山色開

朝昏盤屋堅巢城如鏡將星遽碎城亦裂

以攻盤屋城中破卒其日城竟拔

部下金順善

長順穆王

陞可曹忠雷

餘威掃盡葱嶺雪從來步騎難兼長何況能謀能

戰平生無敗創倉卒不待一二載生寫形容上紫光

科爾沁僧忠親王

南軍尙持重北軍尙剽疾湘淮兩幟戰江表河北獨有名王一中原曠蕩幾千里鏡騎騰蹴一萬匹神京旣奠遂南下年年征討無休日海東勁卒材昂

藏東三省

漠南蕃部性雄強

內蒙左四十九旗

目瞋語難誰能馭指揮赴敵如驅羊

射雕羽箭二斤重詐馬繩竿九尺長正兵螺旋迭進退

馬隊進戰皆爲螺旋陣退亦如之

奇

兵鳥翼相舒張不知何者爲兵法但見萬馬併爲一馬無能當

王全不依法來營陣之法

自言吾馬隊不論多少戰時合爲一人一馬

連鎮街馮官屯杞縣城金樓村白蓮池上東捻滅馬

山口外西捻奔大沽夷船亦奪氣蒙城苗練先亡魂大功數十小戰不知數

所到驚呼赤面如天神王面正赤見者驚為關壯穆誠感悍鎮化野性陳國瑞善戰而最桀驁服王忠誠奉

令唯指授良將成高勳張曜宋慶自從王征討後戰益力名益起殘寇狂走趣戰迫強弩穿縞不

自惜紅旗一隊稱軍鋒先向平原灑戰血紅旗馬隊副都統恒齡最盡殲大

憊覆鳥巢有名捻首皆殲盡毀蒙毫捻巢甘酬素志歸馬革廿年大帥多如林車後棄梁肉

廡下堆黃金阿史社爾行軍無臥具沙陀朱耶報國惟赤心蟻蝨滿甲幾曾

浣芻蕘一束時難尋艱苦廉樸鑒天地家家私祭同沾襟嗚呼異姓賢王羅

青史李郭徐常非其比不獨戰功近掩策凌超勇王合將忠誠遠追擴廓奇

男子

塔爾巴哈台參贊大臣署伊犁將軍錫綸

匈奴象人射郅都楚祭北門為黔夫敵國所惡我所寶羊陸市詐將人愚邇
來闔外甚材武敢戰內寇怯戰虜何況羅刹逞睚眦六國同聲畏狼虎一自
昆彌叛不朝王庭十載淪天驕狡黠老漁何便利盜據甌脫容通逃豪傑陷

賊能自拔習慣沙場從結髮賢父戰死沙州城桓靖美諡榮忠骨父古城領隊

大臣殉難賢兄博學高名起兄副都統博雅能文為滿洲名士武達文通一門裏國難家警

在西域孤兒甘赴邊城死絕遠無如塔城孤斗入斯科環雜胡藩離外收哈

薩克塔城一帶內哈薩克俄犄角內結呼土圖阿爾泰山喇嘛棍鳴札拉參會

多塔爾巴塔台一帶蒙民皆附之有衆十萬屢言于朝求斥去之遂壘經吏

為犄角俄人侵軼者輒擒治之俄深忌兩人屢言于朝求斥去之遂壘經吏

議革職暫緩離將軍任清語克為語助辭若匈奴未有家何有閉壁不許通

讀呼土克圖聽之只有呼土圖三字無克字妻孥妻子自都赴閉門不與相見居之別所墾荒起疲變重鎮鄂博一步誰能踰西鄰責言似

積毀熱血未冷霜盈顛玉門望斷敵人喜刀筆糾摘紛紛起私交不責許田

鄭山東巡撫張曜借洋債六十萬私用身後市租獨尊代郡李戶部劾其借

前發奏報不恩寬僅殺節終儀柳絮淒涼歸萬里二卵棄將古有之長城頓

壞今已矣鼓鼙聲謹磬聲悲我皇聽者思者誰屯田未熟征夫老界上來

爭帕爾碑

題莫子偁大令友芝唐寫說文木部殘帙卷

墜義零星證玉篇流傳知在二徐前細求浚長遺文意屑效陽冰結勢偏半
部漢書殘亦寶一編唐韻守疑仙六丁搜賸無多字天付先生作鄭箋

正月初二日同楊叔嶠登樓望餘雪

自醜銀旛白髮人晴光喜見照城闔山通佳氣猶明雪江泛柔波已漾春冠
佩漸勞知老至羽書方急愧年新湖南華容會匪蠢憫牛誰誦河東賦清嘯
南樓恐不倫

焦山觀寶竹坡侍郎留帶

玉局開先繼石淙竹坡遊戲作雷同 大廷今日求忠諫魏笏終當納禁中
同姓懷忠楚屈原湘潭搖落冷蘭蓀詩魂長憶江南路老臥修門是 主恩
故人宿草已三秋江漢孤臣已白頭我有傾河注海淚頑山無語送寒流
正月十七日發金陵夕至牛渚

牛渚春波淺漲時武昌官柳已成絲東來溫嶠曾無效西上陶桓抑可知

登采石磯

艱難溫嶠東征地慷慨虞公北拒時衣帶一江今涸盡祠堂諸將竟何之衆
賓同灑神州淚尊酒重哦夜泊詩霜鬢蕭疏忘却冷危欄煙柳夕陽遲

九曲亭

余同治戊辰提學湖北來遊西山見亭已圯出錢造之今二十八
年矣

華顛文武兩無成羞見江山照旆旌只合巖棲陪老衲石樓橫榻聽松聲
矜此勞人作少留却煩冠蓋滿汀洲隔江欲喚楊夫子載酒攜書伴我游黃岡

教諭楊君守敬

坡公選地挾山靈奧曠雙奇會此亭日落江光都轉白春來谷氣盡含青

胡祠北樓送楊舍人

煙攪離腸酒易醒
奉容緝芷送揚舲
鬢邊霜雪秋催白
山勢龍蛇雨洗青
剩有讀碑思峴首
不辭攢淚灑新亭
淒清喜有寥天雁
且破愁顏北向聽

秋日同賓客登黃鶴山曾胡祠望遠

羣公整頓好家居
又見邊塵戰伐餘
鼓角猶思助飛動
江山何意變彫疏
三年菜色災應澹
一樹巖香老未舒
我亦浮沈同湛輩
登盤愧食武昌魚

九月十九日八旗館露臺登高賦呈節菴伯嚴諸君

磯上嚴城晚吹涼
凌風壯觀補重陽
柳仍婀娜秋生色
荷已離披水吐光
風動白波寒楚佩
夢回青瑣在江鄉
寒煙去雁窮懷抱
強爲羣賢一舉觴

慈仁寺雙松猶存往觀有作

千步廊前車如織
歸來中滿不能食
無聊欲共草木語
城南雙松上胸臆
琳宮百堵無片瓦
遠見精神出草棘
偉哉衣冠綺與黃
曾覩秦火三月熄
龍鱗如掌醜愈妍
返照在頂晃黝碧
崇效僧圖遭掠賣
長椿九蓮難蹤跡
此寺瓷

白瀚槎名際昌著有寄傲軒稿

正月十九日京師士女齊集白雲觀以會神仙爲名謂之燕九節以元道士邱處機于是日昇仙故也汪餘園年前輩作求僊謠云都門正月游人稠觀前車馬如水流觀中峨峨建高樓履舄交錯樓上頭暮夜不歸良有由暗坐冀遇神仙儔傳聞仙踪于此留或騎白鳳乘赤虬空中青鳥聲嗚啾王母別來蓬鬢秋海屋深深幾添籌一見直令五體投授以丹藥香滿喉脫換凡骨百疾瘳髮白更黑如膏油秋水炯炯明雙眸雙鳧爲舄蓮爲舟凌風輕舉游十洲觀中道士舞且謳演說奇異窮探搜衆人聞之羨不休輿從雜遝擁道周年年祠宇香煙浮明燈如星爛不收道士得錢顏色柔治具款客客倍酬布施堆積如山邱上界真人見之不神仙可遇不可求來歲仍作白雲游收句具有微旨足以喚醒聾聵余亦有句云正月燕九辰車馬作塵海渺渺神仙來年年白雲在亦是此意

休甯夏雪眉孝廉文純有二女長寶姝次秀姝長尤明慧咸豐庚申粵寇擾徽州二女匿山中天大雪不得食遂餓死先是中秋夕雪眉舉月中桂三字命兒女屬對長答以冰裏梅若早爲之識者餘園作冰雪吟甚佳不備錄此事與明季杜冰梅相似冰梅生甫周倅其父以膽瓶插諸花令其自取以覘趨向冰梅獨弄梅一枝因以命名幼聰慧知詩詠紅梅云生來合在丹青裏抹上燕支不稱君年十八遭亂冰梅手刃賊以死事見遜叟隨筆張漱石作梅花簪傳奇當別有依傍也

曩見人抄詩有千金難買李歌笑腸斷長安遊俠兒此謂李歌者不解爲誰後繡彈園雜誌有李歌傳歌霸州人其母一枝梅倡也年十四母教之歌舞歌愷曰人皆有配偶我何獨爲倡邪自是縞衣素裳誓不失身人有過之者必詢坐之非惡少年乃出儼容默坐不敢以褻語加之有誤犯者拂袖而起不少留益津縣令年頗少以白金遺其母欲私之歌持刀入室以巨木撐戶

罵曰吾聞縣令爲風化首汝縱不能正而忍壞之邪今冠裳其形而狗彘其行賊耳豈官人邪汝來吾先殺汝而後自殺令驚走時監州聞其賢聘爲子婦猶處女也居數年天下大亂夫婦逃難俱爲賊執賊殺其夫而涎其色肩之幽室歌俟賊人奪賊劍砍賊亦自殺似此奇烈處決不染復能成錚錚之大節世無人知亦可惜也余有句云李歌名字懸天壤莫作師師一例看暖風吹醒黃梁夢知是誰家午飯香詠懶丐入妙自從賣却蒲團後日日看經坐綠苔詠貧僧入妙惜忘作者姓名

悼亡詩以元微之三首爲古今絕唱後有作者皆遜其真摯近讀同年李景卿德星亡室生辰誌悼云倏忽人天兩界分空巢孤室悵離羣三生因果憑誰證一夕膏蘭枉自焚魂儻有靈應眷我夢從何處却尋君莫年多少窮途恨訴向泉臺總不聞卅年勤挽鮑宣車偕老方期閱歲華從古歡場容易散可堪拙宦已無家返魂難覓長生藥剔燼猶開不夜花豈爲脫辰傷奉倩桑

檢景迫日西斜悱惻纏綿幾于一字一淚洵稱傑作景卿與余同里鄉會皆同年旅居京師爲比鄰十五年來相見無虛日除詩酒外無一語謀及仕進所謂舊學商量加邃密也詩不多作偶作必平易近人規撫前哲不事與時輩爭妍鬪豔所談一以真字爲宗紀其潭水懷魏武云阿瞞霸業已銷沉潭水無情自淺深漫以兒孫堪付託重煩香履致叮嚀一州空有興王氣九錫難明事漢心策馬驅車橋畔路前村煙樹綠成林書合肥劉壯肅公銘傳傳云淝水滔滔逝嗟公不再生風雲紛變態草木舊知名百戰殲羣醜孤軍固衆城中興唐社稷應是李西平海疆昔多事公力抗夷酋豈以全臺勝而忘陰雨憂銅標新息柱烽靖贊皇樓痛惜金甌缺酬庸貉一邱皆琅然可誦又題余東遊詩卷云五載燕雲客航航一卷詩陸沈身與世風義友兼師哀感名花泣吟情枯樹知爲君論事業珍重未衰時少負宗生志東瀛返客槎奇觀滄海日好句赤城霞所願聊求艾茲遊非翫花指將雙倦眼新政望中華

樸質言之適合友朋規勉之義觀漁云自從鯤化揚鬻去多少喁喁陽鱈來妙有含蓄

過潼關詩唐人多雄渾之作此後如漁洋兩戒中分蟠太華孤城北折走黃河高秋華岳三峰出曉日潼關四扇開之句差堪嗣響近讀孫禧林卿裕一律云矗立中原接大荒巖關屹屹重封疆平臨太華三峰峻俯瞰黃河九曲長形勢直將窺宛洛壯遊從此走咸陽龍興虎視渾如昨自古秦州幾帝王亦頗稱題又望華嶽句云三輔風煙俱入座萬山泉石盡朝尊造語亦健絕句如望華不注云曉日瞳瞳宿雨收西來風景自清幽爲從林靄平分處採取華山一角秋長清道中云崎嶇山徑轉林隈畫意饒多倦眼開峰側嶺橫俱領略此行權爲看山來俱有逸致

昔人咏桃花夫人詩有可憐金谷墜樓人之句是從旁襯貼高一層着筆也辛笏臣晉忠讀揚子云問字猶來載酒車文章聲價薄相如甘泉賦畢長楊

奏不及南昌梅尉書黃小魯所咏陳平云宰肉歸來嫂進糠忽將奇計上君王夫人遭遇艱難甚六嫁才歸冠玉郎余幼詠淮陰云鳥盡弓藏胆已寒當年悔不掛臣冠西湖有個騎驢客卒歲優游也姓韓似均不爲本題所縛小魯又詠項王云馬童竟載頭顱去生享侯封負故人息夫人云洛浦甄妃晉羊后銷魂一例作桃花皆有妙思

笏臣有秋雲一律云蒼狗白衣驚變幻秋宵獨客寄沉吟悠悠河漢淡無色黯黯樓臺寒有陰本以疏慵難出岫安知遲暮不爲霖夕陽欲寫停雲思獨對西風悵望深頗合詩人興體又塗空鴉戲墨避月鴈驚弓一聯亦工

外國詩人著名者緬甸之李鴻齡安南之黎洵陳芹高麗則使臣朴齊家李于湖皆散見各家所編詩選戊申李可亭靖國示余高麗遺臣金滄江澤榮詩一卷並言金以本國三品通政大夫棄如委蛻來南通州依張季直修撰澤榮以居身世蒼涼黍油哀感備見于詩紀其感悼懷人諸作可與彼邦近十

數年小史參讀詩錄于下半夜狂風海上來元冬霹靂漢城摧朝衣鬼泣嵇公血犀甲天慳范蠡才爐底死灰心共冷天涯芳草首難回蘭成識字知何用空賦江南一段哀垂楊垂柳不勝垂淚水東邊喚渡時樓閣參差朝霧重江山平遠夕陽遲至今父老懷箕子無限英雄說乙支弔古牡丹峰上去天風忽送管絃悲鎖鑰重關鐵嶺層鬱蔥佳氣近咸興老成籌略金宗瑞荒遠封疆穆克登海岸樓臺朝結蜃獵圍風雪晚呼鷹寄言關市扶桑客聖主如今任股肱七十諸侯控將臺平明煙火達城開青烽直向萊州落畫角寒搖洛水回名酒正銷羈旅恨悲風還憶古人才列邦關市紛紛事誰禁輪船截海來金陵西去馬蹄輕到處看山白眼明蔥秀館前泉似玉洞仙祠畔樹如城度關漸覺歌謠壯出峽新驚地勢傾犁雨樵風三百里黃州燈火夜江聲提督東征慷慨歌秦庭七日事如何甲包糧食朝踰海火照江山夜破倭京觀土花埋劍戟荒祠春雨蔭藤蘿車公天露版韓公淮筆十萬貔貅盡擲戈

殷禮東來始變夷東川虎踞自男兒何知禹貢堯封外畧似三王五霸時壇
墻但捫疇範古江山長惜史才卑千秋梁董登樓賦淚灑芳洲杜若枝掛席
名山記昔游長吟西北有高樓丈夫一舉如黃鶴江水中流問白鷗悄悄歸
帆背天姥亭亭明月落揚州祇今翦翮裏過眼繁華萬事休伊鬱悲涼
亡國詩人頗與遺山爲近又和日本米溪咏殘螢云日月不爲大殘螢不爲
小請除分別心與我游天表具此氣概凌轢東人蛙枯猶怒蟲死不僵孤絃
自鳴可哀也已

滄江集中絕句頗近宋人落梅云霜梢日日信頻探愛惜零紅嚼未甘風雪
打人殘酒醒一枝哀笛過江南紫霞朴淵瀑布云聖居關外石崔嵬倒峽傾
山瀑布來日夜空潭波浪急怒龍飛掛滿身雷落葉云錦葉凋霜別思盈瀟
瀟寒雨打簾旌無端滴到秋心處共作回風滿院聲靈均魂氣極青楓商婦
琵琶拉雜中并作新愁來萬里南天木落大江空

斷

後庭宴

山意催寒雲容做暝荒涼一幅江天景蘋洲漁唱寂無人憑誰喚取眠鷗醒
可憐露重風多落盡梧桐疏影定應今夜冷到鷓鴣頂待不賦悲秋奈秋
來信緊

清平樂

憑高望極四野天如墨啼到鷓鴣無氣力不信哥哥行得落紅簾外飛飛
東風生把花欺已是言愁時節尹邢休鬪蛾眉

劉炳照

字光珊江蘇陽湖人布
衣著有留雲借月菴詞

法曲獻仙音

寄題萬壩盟蓋露菴城詞圖卽
次集中五十一初度述懷原韻

經亂湖山送春風雨客裏輕拋昏曉醉拂箏絃冷憑簫局誰憐鏡中人老奈
漸懶尋芳去知還倦飛鳥仰天笑笑休文近來腰瘦圍帶減渾欲不勝吳

編底事若吟詩更雙眉愁鎖難掃譜就雙聲覓知音同訴素抱聽空階夜滴
細數落紅多少

滿江紅 鎮洋畢助開大令畫古劍一握桃花一枝名曰兒女英雄圖
編徵題詠並出示自題二閱及汪淵若太史和作率次其韻

寶劍奇花是名士美人精魄歎塵世古今多恨補天無石射斗光芒龍入水
尋芳歲月駒過隙感殷勤把酒為澆愁腸嫌窄 塵掩鏡沙沈戟眉損綠心
投赤向曾經行處畫欄頻拍屠狗期逢燕北市游驄長憶江南陌願從君看
劍復看花忘為客

買陂塘 予與社文別六年矣今春重
游杭州握手絮舊倚聲索和

盼劉郎片帆重到桃花猶記前度西冷舊夢尋無著贏得客愁如許春又暮
更阻我清遊一夜無情雨離懷漫訴悵淚漬青衫鏡欺白髮往事不堪數
杭州好七載吟鞍久駐無端拌得拋去萍蹤散後分南北又被東風吹聚盟
莫負待挈伴攀幽剔蘚將詩補飛鷺懶舉怕酒膽驚人山靈騰笑醉作問天

語

大聖樂 春意闌珊客愁岑寂按
雙洲漁笛譜依聲和之

接葉陰濃墜枝香冷亂鴉啼樹更聽風一夜無眠對鏡曉妝愁見落紅如雨
獨上小樓憑欄望正天際歸帆迷遠浦人何處甚鴻雁不來驚添霜縷 相
思到今更苦悵身隔蓬山誰寄語記灞橋分手留春無計芳期空許漫說捲
簾人情重奈孤燕營巢無定宇重門閉任門外飛花飛絮

前調 西窗臥病阻我清遊
疊韻遣懷以代枚發

幽蝶棲香曉鶯驚夢綠陰千樹正滿園花事將殘乍暖乍寒偏又妒花風雨
夙約待尋閒鷗鷺好重權扁舟明月浦清遊阻更扶病擁衾爐縈殘縷 天
涯送春最苦聽梁燕呢喃相對語縱異鄉雙宿新巢初定家山何許怕過舊
時烏衣巷但花落無人深院宇楊絲老倩牢繫枝頭輕絮

玲瓏四犯 偶誦白石翁歲暮感懷詞有文章信美知何用漫贏得天涯
羈旅之句雖然神傷古今有心人當同聲一哭也率次原韻

寄伯菴
茄菴

破碎硯田淒涼春廡無家歸向何許百年強半過白髮無今古登樓仲宣懶

賦予入冬多病杜門謝客渺音書雁沈寒浦久不得社燕失意錢刀累人兒

女嘗徧有生苦 銷魂地江南路盼春風送暖先到蓬戶壯心除漸盡未忍

除愁去他鄉隔歲論文樂憶東閣吟梅賓侶去臘客需波郡麻願遙寄與相

思約西冷社侶未韻當作五字二句萬氏詞律注與字叶非是從之

蝶戀花

燕子梁間相對語開到醅釀又把芳期誤綠怨紅愁無處訴斜陽空戀天桃

樹 青鳥不來音問阻郎似浮萍儂似沾泥絮不信東皇難作主甘心拌遣

春歸去

垂楊

韻香

鐵嶺鄭叔問孝廉別號瘦碧詞人今春訂交吳門傾蓋如故臥病

情絲寸剪臍數升血淚濕衫如染病榻維摩閉門休訝尋芳倦愁魔長與吟
魂伴恨前度不隨春餞下珠簾人瘦於秋怯曉來寒淺 空歎淒涼寶劍有
供奉酒腸拾遺詩膽一樣飄零落花時節逢君晚豪懷縱說年來減問怎道
塵襟蕭散聽簫聲隔院追歡嫌夜短

瑞鶴仙

多輝樓感事
借陸子逸韻

夢醒斜倚枕怯曉涼披衣猶待郎整簾垂畫屏冷甚羞窺圓鏡懶施殘粉愁
長恨永療相思難尋橘井有誰憐往日風流悔把綺年拋盡 空省釵行零
翠屨印閒鴛別時情景蓬山望迴青鳥使信無準悵吳儂重到批把門巷舊
事傷心怕問而今何處雙棲燕巢可穩

意難忘

優鉢羅閣即事借玉
田贈伎車秀卿韻

金屋嬌娃向蘇臺暫駐七寶香車孤蹤隨柳絮芳字稱蓮花伴倦眼傍窗紗
更端正堪誇恰好處圓姿替月沒點雲遮 底事鐵板紅牙度曼聲一曲四

座驚嗟相逢同是客留醉即為家明鏡裏髮雙華怕重聽琵琶但怪得青衫
淚濕此日天涯

鄭文焯字叔問奉天鐵嶺人光緒乙亥舉人內閣中書著有瘦碧冷紅諸詞稿

絳都春賦盡園雁來紅

鵬魂一片怪小墅綠陰都被愁染鴻陣悄來淒緊西風黃昏院茜裙殘縷吹
香遠却醉入秋娘心眼夢回溝水紅情自老誤他題怨 還見披烟浣露正
燈暗絳屏和淚妝點霜信漫催吳錦飄零無人剪可憐生是江南晚更解替
幽花腸斷幾回立盡斜陽故山冷豔

虞美人丁亥秋八月十八日石湖賞月舟中客話小紅故事時同社方和白石暗香疏影二曲餘情賦此仍次美韻夢遊之感同一凄也

歌雲鷓鴣吳蓬背暗浦明珠碧舊家池館久蒿萊說與輾邊涼月帶愁回
長波西望垂虹路載雪吹簫處暗香不送倩雲歸可奈湖山無恙昔遊非

儘伊思夢扶頭半响說也零星 搗來何事干卿權把屏山六曲當作愁城
洗娥春困蝶魂猶顛欹莖樓絮宵檣花零更小桃啼啞流鶯心事拋鍼眼波
縈篆底為瓏璽高陽臺云帶雨蓬心彈潮舵尾春江斷送蘭橈冷浸魚天一
枝涼月吟簫返魂新柳誇三絕做顰眉淚眼蠻腰繫灣頭縱有他生不似虹
橋 當初喚玉簾衣瞥已心心心上長徧愁苗鏡海頰廊居然有箇鸚招過
頭風浪年時事待萍鷗送上離潮怕橫江萬斛詩愁酒薄難消小樓連苑云
可憐人日天涯年年春夢花前冷絲絲細雨惜惜薄霧草堂芳訊中酒心情
試燈天氣峭寒偏忍情疎簾放了闌干四面遮不住梅花影 醉裏憑肩悄
問問東風乍催芳信十分憊憊三分成夢七分成病燕翦嬌黃苔紋恨碧箇
儂香徑掩窗紗六扇銀鸚多事喚愁人醒高陽臺云翳曉疎櫺弄晴煙幙悶
懷離緒慊慊旅髮惺忪暗牀絃索空懸露房煙壓知何限黯倚牆臨水依然
恁春歸帶眼頻移半臂慵添 重簾怯捲甌香寂蕊扶頭未醒春在愁邊並

袖攜樽記曾月下星前清吟側帽無寥極甚東風吹惱樊川認衫痕香色今
番黯淡鐘煙大舖云對柳邊樓樓前路畫出天涯愁色青衫都溼徧騰江湖
十載風鸞飄泊叩檻鴛涼窺菱燕瘦今夕旅魂銷得豔才應未減只吟邊減
了髮絲青纈怕翦卻湘離夜寒波悄暝篷如墨 曲闌干幾折悵回首已似
天邊隔待記取簾波似海中有冤禽可能銷人間恨魄認小眉清瘦有客裏
初三蛾月况同是身如葉湘波一翦不設兩鷗浮拍煙愁共君暗疊長亭怨
慢云甚一片愁煙夢雨剛送春歸又催人去鷗外帆孤東風吹淚墮南浦畫
廊攜手是那日銷魂處茜雪尙吹香忍負了嬌紅庭宇 延佇悵柳邊初月
又上一痕眉嫌當初見慣只道是尋常歌舞念別來葉葉春衣已減了香塵
非故恁短燭低篷獨自擁衾愁語玲瓏四犯云驛柝遞寒橋燈呼酒隋家花
月何許夢遊曾十里淮水無今古傷心鮑家一賦甚年年阻烽江浦白骨埋
嬌青山喚渡相望正悽苦 珠塵暗香飛路有停驂巷陌記曲簾戶青衫嫌

淚少紅鬼迎潮去飄零杜牧猶年少恁南北關河孤旅聊寄與籠沙月湘邊
雁侶

子大亦有題余填詞圖詞云怪秋瘦依稀舊日皋橋墅外髡柳玉鞭籠喚酒
扣檻雨絲飄硯寒逗梅盃在否擲冷豔偏宜鶴守怨魄空簾坐暝祇危石數
峯存鎖樓陰窗岫 今古買絲並繡江山縱改不替詞人後鉢池縈蔓鬢暗
冑苔枝愁邊歌袖闌干似舊畫不出前身誰某雙白旗亭賭秀要雪月與梅
花來相就招角此圖爲元和顧鶴逸畫鶴逸爲子山觀察孫家有怡園收藏甲
於吳下嘗見其所藏楊補之梅花也鶴逸山水師法二王麓臺而奄有諸家之
勝此卷煙雲滿紙家外祖周季况先生歎爲二百年無此手者也圖作於庚
子歲暮未幾而 詔開經濟特科余方官刑部江西學使吳綱齋侍講師以
余疏薦當時謬擬仿迦陵故事編乞同徵諸君題詠嗣以來者未必盡佳佳
者未必盡取因循遂罷鴻博之試即有取者不如不取者不取者不如不考

益都馮公溥長洲葉公方謨或以詩譏之曰自古文章推李杜於今李杜亦
稀奇葉公懜懜遺龍戲馮婦癡呆被虎欺是科得人稱盛此詩誠不免好憎
之口亦足見
衡文不易也

同人中為余題填詞圖詞若常熟張璠隱外部 鴻之六醜儀徵劉星甫禮部
恩輔之鶯啼序皆長調之難填者而詞皆極工張云看滄桑幾度又公子風
流如昔朱樓倚雲梅花空自憶誰弄長笛為問琴臺畔綠蕪一片幾兩平生
展重來心事元都客怕見春風免葵燕麥青苔試尋陳迹剩漁洋稷卷同付
秋拍 煙荒徑寂是詞人舊宅有故家喬木籠危石 鶴亭言曾覓得水繪畫
舊石數峰鶴逸允為作
訪石 披圖共弔吟魄况飄零又是淒涼顏色絲繁絮亂春無力只贏得象筆
鸞箋秀句江湖狼藉蒼茫怨總無人識任卷施抽盡王孫草紅心未滅劉云
闌干四圍秀影翦晴漪半畝畫圖裏禪榻茶煙澹墨和淚皺皺謾惆悵秋風
破屋當年幾兩吳絲繡自薦紅銷褪蒼茫頓覺詩瘦 蟬碧鵲紅麝粉蠹羽
付精靈護守問奩豔顏色何如鏡中人面非舊影梅庵茗華研匣換三尺漁

竿帘酒更銷凝瓜蔓鶯幺菜花鴛鴦 閒搜段錦碎拾零瓊共紫囊佩肘人
去也曲終重見濁世公子煉雪搏香飲霞餐秀吳娘畫槳王郎團扇情根情
種年年發是前人偶擲雙紅豆秦淮自淥風流舊日春燈到頭竟落誰手
懷中鳳撥唱徹春城倚軟塵鄣袖痛眼底紛紛清淚又灑南朝乳燕辭梁亂
鴉爭柳君家自有谿山佳麗桃花流水休浪賦怕漁郎猶識秦人後相逢湖
海詞仙座客江南尚能唱否

璠隱所著曰長毋相忘詞青玉案云琴絃紅澀淒無語春已先人歸去莫問
瑤華腸斷句何時重話紫藤花下薄暮瀟瀟雨 蘭煙半幅相思賦認得瀟
橋舊離處今夜殘燈繚別緒夢痕應在長安詞館把酒吟春侶齊天樂云年
華三十春花夢柳枝折殘離恨不信詞人淒涼萬種都在眉痕鬢影西風鳳
鏡試重照青衫翠煙銷盡如此蕭條東華門外寶驄冷 天涯消息自警歎
斜陽一角闌干紅賸萬朵梅花春寒勒住不放江南夢醒玉簫誰聽試打疊

愁心銷歸酩酊只恐瑤尊淚痕和酒凝菩薩蠻云玫瑰促柱彈瑤瑟鳳凰紅
尾香珠擲鸞鏡本無愁眉痕未覺秋 瓊絲穿碧露漠漠重簾暮煙柳已昏
黃春鶯戀夕陽又云李花還比楊花白銀屏飛上春雲澀斜日照西山蛾眉
彎復彎 煙波遼水惡遼雁休飄泊風雨入青蕪吳宮聞鷓鴣又云扶桑恨
碧新蟾挂海雲如蘂涼煙瀉幾點是神山蕭蕭弱水寒 冷霞招羽客綠髮
珊瑚骨仙夢度春風桃花故國紅又云雲屏翠尾圓紋展水精狂夢楊花亂
昨夜渡蓬萊雙飛青鳥回 金蟾空嚙鎖銀粟星星火一握海南香熏爐人
斷腸瑤隱脩潔自喜配曹夫人爲君直同年女弟亦能詞嘗爲余題話荔圖
尙存篋笥

吳縣曹君直舍人

元忠

精校勘之學有其鄉黃蕘圃師法所著雲鬪詞一卷

余嘗序之謂機九張而澤鮮絲一絢而絡貴豈陳思華胄雅擅風華抑吳女
故都能傳哀怨者也祝英臺近云蝶衣涼鶯語靜瑤砌散花影珠箔飄燈夜

鏡水政如珊瑚寶簪亂播鬢髻蒼翠錯峙以疎益妍徧登孫氏湖樓茶香菱
熟往往留連一路看山至鐘堰愈媚愈清常若不足以夕照西墜子九別去
予自跨湖橋買舟歸

十七日夜初更自湖上快閣坐舟歸雲歛月出山疎水明老木不霜寒墟微
火如讀王右丞輞川與裴秀才書也

二十九日至馬家步登九里山是月小盡秋色已深冬意未上眺望之美清
絕人寰以七言四語寫之云霜樹紅疎連嶂兩秋城綠抱一湖烟寒陰茅屋
家收稻野水蘋花客倚船可謂善於題目佳景矣其全首存集中然非幽情
夙勝不能耐此清寒子九常擬予云王敬和好柄託蓋知言也

二十八日下午遷城偶過光相寺古西寺也城中此寺爲最古間一日復過
寺離郭門僅一里連楹接廈皆吾宗之第宅故緇流依附視同香火在其北
連合真壇壇祀斗宿先大夫素奉道常齋醮於此寺外爲光相橋過橋則闌

闕矣寺門落照古松條然鐘聲徐來塵念頓息常謂善遊不在擇地善悟不在深求但得色觀稍清靜根具足隨緣止願觸處安心此寺境接囂塵景皆夙習今茲兩過未嘗入門而衰草盈階暮禽相值便覺禪機不遠靈賞無窮支竺參禪王許接席矣

十月五日薄暮偕瘦生坐七星巖卷石前芭蕉樹下俯觀潭水冥然若忘大有樹下坐禪之意

戊午二月十二日置酒七星巖招諸友看桃花飲畢客散遂留居柯山自去冬大雪湖南山桃李居人多斧作薪花事遂寂而七星巖新枝向日居然代興粉展煙霏春溢洞半地密景稠亭榭相簇較之湖南雖計樹不侔而得境爲勝西偏春事移於此間矣連日綺陰多雨流連信宿朝夕忘歸清遊之佳畢臻其最時有社友尋春滬上狹邪迷復適寄書來誇烟花之勝因作一牘答之云月之望日拜手書忻悉道社無恙甚善別後泱月無少著作足以相

告顧念春事可懷未能端坐屑屑米鹽轉入俗障自用掉快迺券同人各去巾轄遂於春分後五日置酒柯山道俗畢集是日微陰養晴宿雨過潤桃李競吐若與爲期草綠茵柔甚便屐齒湖山之秀極於一醉所恨阿戎不來作物敗意耳酒闌花暝遊屐各散鄙意惓惓未忍言去遂留山中者兩日自朝至暮時而在山之南時而在山之北或穿籬覓樹或隱竹據石或隔溪看雲或背花臨水或聞鳥聲久坐或循柳陰獨行每至夕陽墜樵晚風在笛則携酒一壺棋一局求一能領者相與躡蘿磴坐藤崖下視菜花萬斛高下積黃牧童行歌各隨歸犢當此之際胸膈塵穢洗滌殆盡樂趣所及無非天機殊覺春融日長歲豐物茂悉充洽於方寸之地沂水濠梁去人不遠又其地多老人龐眉皓髮時時往來益信山林之中其人多壽得於雲烟供養也惟是行樂及時漢臣以爲勸俯仰陳迹晉賢以致悲吾家元膺有言一年春物惟梅柳問意味最深至鶯花爛漫時則春已衰遲使人無復新意言哉斯言誰

能賞之足下樊川之夢應尙未覺然故鄉之樂殊足相傲寫以寄脉始知鑑湖博士自有替人名士風流故當不墜耳計書到日已及尾春枇杷花前發之一笑不宣

三月朔至南門外水天一色屯觀龍舟競渡是日重陰而景旌葆半江蔽翳失采又人舫蟻聚地不容楫遂拔舟至李家漚泊而飲時遠風起萬綠中山水草木黏天作油碧色舟踞野廟古渡旁有大樟樹二蔭逾十畝時見醮社人歸瓜皮櫂波汎汎湖光橋影間僅得夕陽細雨當更添憚景耳上岸散步得短竹一籬陂池靜映鵝兒數十浴翠如空日加申解纜雨斜斜作矣

立夏日晡後夕景艷開綠淨如拭欲作近遊苦不得侶立門前久之遂默然意行至荷花塘度村橋看夕陽中諸山復循野田細路入一村落流水曲折穿行籬間瓦屋數椽前匯方沼老樹當門前後掩閉低蔭數畝遊鱗皆綠時東風轉勁夾徑菱麥葉葉飛舞又顧見蠶豆滿畦離離而實前日柯山人送

孟蘭慈

宣統元年夏五月

善公書



孟蘭夢

丹徒嚴保庸伯常填詞

(雜扮鬼判護從引老旦扮地藏王上)(合)

(山桃紅)俺這裏法輪常轉業鏡高懸大發慈悲願(老旦)善哉善哉欲知前世因今生受者是欲知後世因今生作者是吾乃幽冥教主地藏王菩薩是也佛根固牢誓願宏深界判陰陽司兩間之善惡關分人獸掌十殿之輪迴只爲衆生孽重致多獄底沉淪十分可憫因此請了如來佛旨每年七月設這孟蘭勝會普度幽魂核其所犯情罪可從未減者悉予超脫前日已將男犯發放過了判官取女犯簿過來(判應呈簿介)鬼卒聽點第一起朱買臣妻崔氏進(鬼應帶上)(老旦)這犯悍惡不仁忘廉喪恥帶過一旁另候裁奪(帶下)(判)第二起馮麟如妻羅氏進(鬼應帶上)(老旦)這犯拋夫撇子背義忘恩帶過一旁另候裁奪(帶下)(判)第三起秦檜妻王氏進(鬼應帶上)(老旦)這犯助夫作惡誤國殃民尤爲可惡鬼卒們仍將此犯速速押回地獄去者(帶下)(衆)南無阿彌陀佛(判)第四起柳夢梅妻杜氏進(鬼應帶

國學萃編價目表

零售每冊	大洋二角	如付銅元照市計算
每月二冊	大洋四角	同上
上半年十四冊	大洋二元八角	預付上半年九折實收二元五角二分
下半年十二冊	大洋二元四角	預付下半年九折實收二元一角六分
全年二十六冊	大洋五元二角	預付全年八折實收四元一角六分

外埠每冊加郵費二分如與敝處直接可免郵費先費後閱空函不答
代派處提二成酬勞凡向代派處購閱者不得再有九折八折之扣仍須照
章每冊納郵費貳分此項郵費為開銷匯寄閱費之用郵費不得再提二成
代派諸君有未將閱費寄繳者一律停寄仍須追繳所欠閱費

本社發行所在北京香爐營頭條胡同東首路北吳宅總經理吳夢蘭君

上)(老旦)此女雖墮情魔尚無惡孽准與超脫起立一旁(杜)謝菩薩(衆)南無阿彌陀佛(老旦)歎梅邊柳邊若不是短命能延枉殺你忒情堅帶下去(鬼應帶下)(放煙火介)何來怨氣沖動佛光功曹前去看來(淨)領法旨(虛下即上)啓菩薩有一女子鬼魂名喚張佩珊嫁與莊姓為妾自言在生時歷盡磨折甫經得所遽爾夭亡特來求見菩薩證明因果(老旦)噫原來如此此女本係離恨天中司花侍者不應由地府輪迴無庸見我他滴塵寰廿三年等閒間只算做曇花現也我以慧眼觀之此女與莊生尙有一面之緣功曹過來你可先引他與莊生夢中相會然後送往離恨天去不得有誤(淨)領法旨(下)(衆)南無阿彌陀佛(合)只許他了却匆匆夢裏緣有甚閒姻眷痴呆可憐打不破空門歡喜禪

(同下)(生便服扮莊守中上)

(二郎神)人何往悄悄悄悄涼蟾乍上流水聲中聽梵唱羅雲四捲禪燈閃閃

秋光 我莊守中自張姬亡後獨居旅邸益復無聊今日節屆中元道才到他墳首澆

